

Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat

Kapitali 1

Aalajangersakkat nalinginnaasut

§ 1. Peqqussut manna tunngavigalugu meeqqanut akilersuutit siumoortumik tunniunneqartartunik imaluunniit meeqqanut akilersuutit pisortanit tapiissutit tunniunneqartartunik pisinnaatitaaneq makkuninnga piumasaqaateqarfiuvoq,

1) meeraq Kalaallit Nunaanni kommunimi aalajangersimasumik najugaqavissuussasoq, tak. kommuni uninngavigisaq aamma kommuni najugarivitaq il.il. pillugit peqqussut, akilersuutinillu tapiissutinilluunniit tiguisinnaatitaasoq Kalaallit Nunaanni aalajangersimasumik najugaqartuussasoq,

2) meeraq imaluunniit akilersuutit tapiissutinilluunniit tiguisinnaatitaasoq qallunaatut innuttaassuseqassasoq, imaluunniit Danmarkip naalagaaffinnut allanut isumaqatigiissuteqarsimanera tunngavigalugu akilersuutit tapiissutinilluunniit Kalaallit Nunaanni oqartussanit tunineqarnissaminut pisinnaatitaaffeqassasoq,

3) meeqqanik inuusuttunillu ikiorsiisarneq pillugu peqqussut tunngavigalugu meeraq angerlarsimaffiup avataanut pisortanit inissinneqarsimassanngitsaq, imaluunniit allatut pisortanit tamakkiisumik pilersorneqassanngitsaq,

4) angajoqqaatut oqartussaassuseqartut allaganngorlugu akuersereersimatillugit meeraq meeravissiassatut ilaqutariinni tigummineqassanngitsaq,

5) meeqqap angajoqqaavi aappariittut inooqatigiissanngitsut, imaluunniit akilersuisussaataasoq inooqatigiissanngikkaa.

Imm. 2. Inuit kikkut akilersuutit siumoortumik tunniunneqartartunik aamma tapiissutit tunniunneqartartunik pisinnaatitaassanersut kiisalu tunniussinermi piumasaqaataasut pillugit Naalakkersuisut malittarisassanik erseqqinnerusunik aalajangersaasinnaapput.

Imm. 3. Akilersuutit siumoortumik imaluunniit pisortanit tapiissutit peqqussut manna tunngavigalugu tunniunneqartartunik paaqqinniffinnut pisortalluunniit oqartussaasoqarfinut tunniussisoqarsinnaanngilaq.

§ 2. Peqqussut manna tunngavigalugu tunineqarnissamik qinnuteqaatit qinnuteqartup kommunimi najugarivitaani isumaginninnermi ataatsimiititaliamut tunniunneqartassapput.

Imm. 2. Qinnuteqaatit ulloq tunniussivissaq ukiumik ataatsimik qaangerneqareersoq tunniunneqartut isumaginninnermi ataatsimiititaliap itigartissutiginnaavai.

Imm. 3. Qinnuteqartup kommunia najugarivita peqqussut manna tunngavigalugu tunniunneqartartut ingerlanneqarnerinik tamanik isumaginnittuuvog.

§ 3. Kommunimi isumaginninnermi ataatsimiititaliaq akilersuutininik tapiissutinilluunniit pisinnaatitaasunut peqqussummi matumani malittarisassanik ilitsersuissalluni pisussaavog.

Kapitali 2

Meeqqap pilersorneqarnissaanut akilersuutininik pisortanit siumoortumik tunniussisarneq

§ 4. Meeqqap pilersorneqarnissaanut akilersuutininik pisinnaatitaasup meeqqat inatsisitigut illersugaaner at imaluunniit aappariinneq pillugu inatsit tunngavigalugu akilersuisussanngortitsineq naapertorlugu qinnuteqaateqarneratigut meeqqap pilersorneqarnissaanut akilersuutit pisortanit siumoortumik tunniunneqarsinnaapput, akilersuutit akilerneqarsimaffissaasa aqaguani, akilersuutit kingusinnerpaamik ullormi akilerneqarfissaanni akilersuisussaataasoq akiliisimanngippat.

Imm. 2. Akilersuutit pisortanit siumoortumik tunniunneqarsinnaasut tassaapput § 5-mi nalinginnaasumik amerlassusilerneqarsimasut, apeqqutaatinnagu pineqartumi annertunerusumik akilersuinissamut aalajangiisoqarsimanera.

Imm. 3. Meeqqap pilersorneqarnissaanut akilersuutit meeqqap 18-inik ukioqalernissaata tungaanut pisortanit siumoortumik tunniunneqarsinnaapput, taamaattorli sivilunerpaamik meeqqap 18-inik ukioqalernerata katinnerataluunniit tungaanut.

§ 5. § 4, imm. 2-mi, akilersuutit nalinginnaasut imatut nalinginnaasutut amerlassusilerneqarput:

- 1) Akilersuutit ingerlaavartut nalinginnaasut ukiumut 8.247 kr.
- 2) Anaanaasup erninissaa qaammatinik marlunnik sioqqullugu ernineralu qaammammik ataatsimik kingoqqullugu pilersorneqarnissaanut akilersuutit, qaammammut 548 kr.
- 3) Erninnermut atatillugu aningaasartuutininik akilersuutit 519 kr.
- 4) Meeqqap kuisinneranut atatillugu akilersuutit 691 kr.
- 5) Meeqqap apersortinneranut atatillugu assigisaanulluunniit akilersuutit 2.749 kr.

Imm. 2. Akilersuutit imm. 1-mi taaneqartut Kalaallit Nunaanni Naatsorsueqqissaartarfiup kisitsit akinut iluarsissutaasartoq saqqummiuttagaa tunngavigalugu iluarsineqartassapput (naleqqersuut januar 1984 = 100). Januarimi julimilu akinut iluarsissut tunngavigalugu ukiut tamaasa 1. april aamma 1. oktober iluarsissuteqartoqartassaaq, taamaalilluni akilersuutit 3%-imik qaffanneqartassallutik appartinneqartassallutilluunniit akinut iluarsissutissaq 100 tunngavigalugu pointit ilivitsukkuutaat pingasut qummut ammuluunniit angugaangagit.

Imm. 3. Akilersuutit akunnaallineqartassapput kronimut ilivitsunut qaninnermut, taamaattorli imm. 1, nr. 1 tunngavigalugu meeqqap pilersorneqarnissaanut akilersuutit nalinginnaasut suli akunnaallineqartassallutik aningaasanut 12-imik agguarneqarsinnaasunut qaninnerpaanut.

Imm. 4. Akinut iluarsissut najoqqutaralugu iluarsissutit atuutilissapput akilersuutininik 1. april aamma 1. oktober tunniunneqarsinnaalersunut. Imm. 1, nr. 1 tunngavigalugu meeqqap pilersorneqarnissaanut

akilersuutit ingerlaavartumik tunniunneqartartut nalinginnaasut ukiup af f aani tullermi tunniunneqarsinnaalerf imminni aatsaat aaqqiivigineqartassapput.

Imm. 5. Isumaginninnermut Suliffeqarnermullu Pisortaqarfiup ukiut tamaasa 1. april aamma 1. oktober imm. 1 tunngavigalugu pilersuinissamut akilersuutit amerlassusiinik atuuttunik tamanut saqqummiussisassaaq.

Kapitali 3

Pilersornegarnissaanut akilersuutit pisortanit tapiissutitut tunniunneqartartut

§ 6. Ataataasumik aalajangiisoqarsimatinnagu imaluunniit akilersuisussaatisoqarsimatinnagu meeqqat inatsisitigut illersugaanera imaluunniit aappariinneq pillugu inatsit tunngavigalugu akilersuutit § 5, imm. 1,-imi taaneqartut pisortanit tapiissutitut tunniunneqartassapput. Kisermaaqaq meeravissiaartaarpat tamanna aamma atuutissaaq.

Imm. 2. Angajoqqaat arlaat akilersuisussaataasorluunniit toquppat akilersuutit § 5, imm. 1,-imi taaneqartut pisortanit tapiissutitut aamma tunniunneqartalissapput.

Imm. 3. Angajoqqaat tamarmik toquppata, imaluunniit allamik pissuteqartumik meeqqamut pilersuisussaataasoqanngippat akilersuutit tapiissutitut tunniunneqarsinnaanngillat.

§ 7. Akilersuisussaataaneq kisiat aalajangerneqarsimatillugu kuisitsinnermut apersortinnermullu akilersuutiniq ilaqtartinnagu, tak. meeqqat inatsisitigut illersorneqarnissaat pillugu inatsimmi § 19, kuisitsinnermut apersortitsinnermullu akilersuutit § 5, imm. 1, nr. 4-5-imi nalinginnaasumik amerlassuseritinneqartussatut aalajangersarneqarsimasunik amerlassuseqartillugit pisortanit tapiissutitut tunniunneqassapput.

§ 8. Meeqqap pilersorneqarneranut tapiissutit meeqqap inuuiani aammalu inuuianit ukiup affaa qaangiukkaangat tunniunneqartussanngortassapput, taamaattoorli tunniussineq ulloq tunniussivissaaq sioqqullugu ulluinnarmi kingullermi oqartussaqaarfiup tunniussisussap allaffiata ammaffiani pisinnaalluni. Akilersuutit allat akilersuisussanngortitsisoqarsimagalarpat piffissami aalajangerneqarfigisimasinnaasaraluanni tunniunneqartussanngortassapput inatsit tunngavigalugu.

Imm. 2. Akilersuutit tapiissutitut tunniunneqartartut tunniunneqartarneri pillugit Naalakkersuisut malittarisassanik erseqqinnerusunik aalajangersaasinnaapput.

§ 9. Angajoqqaat arlaata imaluunniit akilersuisussaataasup toqunerata kinguneranik meeraq sulisilluni ajoqusersinnaanermut sillimmasiisarfimmit taarsiivigineqarnermigut pisartagaqartussanngortinneqarpat, pensionisiaqartussanngortinneqarpat allanilluunniit ingerlaavartunik pisartagaqartussanngortinneqarpat tapiissutit akilersuutitut tunniunneqartartut pisartagaritinneqalersut affaannik ikilineqassapput. Tunniunneqartartut ukiumut 1.000 kr.-inik sinniisimanngitsut matumani naatsorsuutigineqanngillat.

Imm. 2. Angajoqqaat arlaata imaluunniit akilersuisussaataasup toquneratigut meeraq sillimmasiinikkut aningaasanngorlugit pisassaqaalerpat taarsiissutinilluunniit allanik pisassaqaalerpat, tamatumani kingornussarsiat ilaatinngit, tapiissutit meeqqap pilersorneqarnissaanut ingerlaavartumik akilersuutitut tunniunneqartartut aningaasanngorlugit pissarsiat erniaasigut isertinneqartartut affaannik

ikilineqassapput. Erniatigut isertitat ukiumut 1.000 kr. inorlugit amerlassusillit matumani naatsorsuutigineqanngillat.

§ 10. Tapiissutit meeqqap pilersorneqarnissaanut akilersuutitut ingerlaavartutut pisortanit tunniunneqartartut meeqqap 18-inik ukioqalernissaata tungaanut tunniunneqarsinnaapput, taamaattorli sivilunerpaamik meeqqap 18-inik ukioqalernerata katinnerataluunniit tungaanut.

Kapitali 4

Akilersuisussaatitaaneq imaluunniit appariinnermut bunnqasutiqut suliasat suliarineqartilluqit akilersuutit tunniunneqartarnerat

§ 11. Meeqqap aappariinnerup avataani inunngorsimasup ataataassarsiuunneqarnera naammassineqarsimanngippat akilersuutit § 5, imm. 1-imi taaneqartut akilersuutitik pisinnaatitaasumut akilersuutitut siumoortutut tunniunneqarallartassapput akilersuutitik pisinnaatitaasoq ataataassarsiuussinerup nalaani akilersuutitik aalajangersaasoqarnissaanik qinnuteqaateqarsimappat. Akilersuutitik pisinnaatitaasup akilersuutit ataataassarsiuinerup nalaani aalajangersarneqarnissaat qinnutiginnippagu.

Imm. 2. Ataataassarsiuineq ataataasussanngortitsinermik akilersuisussanngortitsinermilluunniit innerneqarpat pisortat akilersuutit akilerallakkatik ataataasumut imaluunniit akilersuisussaatitaasumut piumasaqaatigilissavaat. Pisortat meeqqap pilersorneqarneranut aningaasartuutit akilertarunikkit akilersuuteqartitsinissamik aalajangersaaqqusinissamik piumasaqarsinnaapput, matumani imm. 1. tunngavigalugu tapiissutitut aningaasartuutigineqartut ilanngullugit.

Imm. 3. Ataataassarsiuineq ataataasumik akilersuisussanngortitsinermilluunniit aalajangiinermik innerneqanngippat akilersuutit siumoortumik akilerallarneqarsimasut nikisinneqarnatik siunissami § 6, imm. 1 tunngavigalugu akilersuutissat tapiissutitut tunniunneqartassapput.

§ 12. Aappariit inooqatigiikkunnaarsimappata, aappaasullu meeqqamik pilersuisuusup aappi meeqqamut akilersuisussanngorteqqullugu qinnutigippagu, tak. inatsit tamatumunga tunngasoq, § 5, imm.1-imi taaneqartut pisortanit siumoortumik tunniunneqarsinnaapput, naak akilersuisussaatitaasoqarnissaanik isumaqatigiissuteqartoqarsimananilluunniit aalajangersaasoqarsimanngikkaluartoq. Akilersuutilli siumoortumik tunniunneqartartut aatsaat ulloq appariit inooqatigiikkunnaarfippiaat aallarnerfigalugu tunniunneqarsinnaalissapput. §5, imm. 1, nr. 1 tunngavigalugu meeqqap pilersorneqarnissaanut akilersuutit sivilunerpaamik qaammammut ataatsimut siumoortumik taamaallaat tunniunneqarsinnaapput.

Imm. 2. Akilersuisussaatitaaneq aalajangersarneqarpat imaluunniit isumaqatigiissutigineqarpat pisortat akilersuutitik piffissami suliasap ingerlanerani tunniukkallarsimasaminnik tigusiniarnissaminnut pisinnaatitaalissapput.

Imm. 3. Imm. 1 tunngavigalugu akilersuutit siumoortut averusernermi avinnermiluunniit eqqartuussiviup aalajangigaanit amerlanerusut tunniunneqarsimappata nikingassutaasoq pisortat tapiissutitut aningaasartuutaattut aningaasartuutigineqassaaq, tak. § 6, imm. 1.

Imm. 4. Averusernissamut avinnissamulluunniit akuersissutip kingunerisaanik naatsorsuutigineqartoq paarlallugu akilersuisussaatitsisoqanngippat imm. 1-ilu tunngavigalugu tunniussisoqartarsimappat

anigaasat imm. 2 tunngavigalugu utertillugit akileqquneqarsinnaangitsut akilersuutininik tiguisimasumit utertillugit akileqquneqarsinnaapput, tak. § 26.

Kapitali 5

Meeqqap pilersorneqarneranut akilersuutit bapiissutilluunniit tunniunneqartarnissaanni piumasaqaatit

§ 13. Isumaginninnermi ataatsimiititaliaq isumaqaruni taamaaliorneq meeqqamut pitsaanerpaasoq aalajangiisinnaavoq peqqussut manna tunngavigalugu siumoortumik pisortanilluunniit tapiissutitut tunniunneqartartut ukiup affakkuutaartumit akulikinnerusumik tunniunneqartassasut. Ataatsimiititaliaq aamma aalajangiisinnaavoq tunniunneqartussat aningaasannagornagit inuussutissanngorlugilli tunniunneqartassasut.

§ 14. Peqqussut manna tunngavigalugu meeqqanut akilersuutit siumoortumik imaluunniit tapiissutitut tunniunneqarnissaannut piumasaqaatit ullormi tunniussivigineqartussami eqquutsinneqarsimassapput.

Kapitali 6

Meeravissiartaarnermi tapiissutit

§ 15. Meeravissiartaarniartut angerlarsimaffiminni siusinnerusukkut najugaqareersimanngitsumik meeravissiartaartut meeravissiartaarnermi qinnuteqarnikkut tapiissutinik pisinnaatitaapput, tapiissutillu taakku § 5, imm. 1 nr. 1 tunngavigalugu meeqqanut ingerlaavartumik akilersuutit nalinginnaasut ukiumoortumik aningaasartaasa sukkulluunniit atuuttut pingasoriaataannik amerlassuseqarput. *Imm. 2.* Taamaattorli tapiissutinik pisinnaatitaaffeqarneq meeravissiartaarnerup meeravissiartaarniarneq pillugu Danmarkimi inatsit tunngavigalugu suliniaqatigiiffiit inatsisinik atortitsinnermut ministeriaqarfiup, imaluunniit Isumaginninnermut Suliffeqarnermullu Pisortaqarfiup akuerisimasai aqqutigalugu meeravissiartaarnerup ingerlanneqarsimanissaanik piumasaqaateqarfiuvoq, kiisalu meeqqap aaneqarneranut/tiguneqarneranut atatillugu angalanermut aningaasartuuteqarnissaat piumasaqaatigineqarluni.

§ 16. Meeravissiartaarnermi tapiissutit tunniunneqarsinnaapput meeravissiartaarniarlutik qinnuteqartut uppersarsarpassuk meeraq innersuussutiginneqarsimasoq, aammalu meeqqap aaneqarneranut atatillugu angalanermut aamma/imaluunniit najugaqarnermut aningaasartuutit aningaasartuutiginnissaat pisariaqartoq pigaluttualerlunilu, imaluunniit meeraq angerlarsimaffimmi tiguneqartoq uppersarsarneqarpat. *Imm. 2.* Naalakkersuisut aalajangersinnaavaat meeravissiartaarnermi tapiissutitut naatsorsuisarneq tunniussisarnelut pillugit maleruagassiornissaq.

Kapitali 7

Meeqqanut akilersuutininik akiliisitsiniartarneq

§ 17. Akilersuutit siumoortumik tunniunneqarpata kommuni siumoortumik tunniussimasoq akilersuisussaataasumik akiliisitsiniarnissaminut pisinnaatitaallissaaq. Taamatuttaaq pisoqassaaq meeraq

angerlarsimaffiup avataanut inissinneqarpat, imaluunniit meeraq pisortanit tamakkiisumik pilersorneqarpat.

Imm. 2. Akilersuutit siumoortumik tunniunneqarnerini tunniussinermut peqatigitillugu akilersuisussaatitaasoq tunniussineq pillugu allakkatigut ilisimatinneqassaaq, aammattaarlu ilisimatinneqarluni akilersuutit akilernerqartussanngortut kommunimut akilernerqassasut.

Imm. 3. Meeqqap angerlarsimaffiup avataanut inissinneqarnera pisortanilluunniit tamakkiisumik pilersorneqarnera pissutigalugu kommuni akilersuutininik akiliisitsiniarnissanut pisinnaatitaalerpat akilersuutininik pisinnaatitaasoq aamma akilersuisussaatitaasoq tamanna pillugu allakkatigut ilisimatinneqassapput.

Imm. 4. Kommuni akilersuutininik akiliisitsiniarnissamut pisinnaatitaaffeqalerpat taamatut pisinnaatitaaffik suliaassap pisoqalisoorinnaanera eqqarsaatigalugu ukiut 20-t qaangiunneranni nalinginnaasumik pisoqalisoorinnaaneq pillugu malittaarisassat atuutissapput.

§ 18. Ataataassarsiuneq eqqartuussivilluunniit Naalagaaffiullu Sinniisoqarfia aqutigalugu aalajangersaaneq sulii ingerlappat akilersuutit § 11. imm. 1 malillugu aammalu § 12, imm. 1, tunngavigalugit siumoortumik akilersuutit tunniunneqarpata kommunalbestyrelsip eqqartuussivik Naalagaaffiup Sinniisoqarfia ilisimatissavaat akilersuutit pisortanit siumoortumik akilernerqarmata, taamaattumillu suliaq qanoq inerreqarnera pillugu kommunip ilisimatinneqarnissani kissaatigigaa.

§ 19. §§ 17-18 tunngavigalugit kommunip pisassariligai ingerlaannartumik akilersinniarneqassapput. Akiliisitsiniarneq Kalaallit Nunaanni eqqartuussisarnermik inatsimmi tamanna pillugu malittarisassat tunngavigalugit pissaaq.

Imm. 2. Kommunalbestyrelsip pisassarilikkaminik akiligassanngortitsisarnera pillugu Naalakkersuisut malittarisassanik erseqqinnerusunik aalajangersaasinnaapput.

§ 20. Akilersuisussaatitaasoq pisussaassutsiminut naleqqiullugu ataavartumik annikitsuaraannarmik isertitaqartarsimanini pissutigalugu akilersuutit akilersuutininik pisinnaatitaasumut siumoortumik tunniunneqarsimasut tamakkerlugit imaluunniit ilaannakortumik akilersinnaanngippagit akilersuisussaatitaasup kommunimi najugarivitaani kommunalbestyrelsi akilersuisussaatitaasup qinnuteqarneratigut akilersuutininik pisinnaatitaasup kommunimi najugarivitaani kommunalbestyrelsimut inassuteqaateqarsinnaavoq akilersuisussaatitaasoq nalunaarf igineqassasoq akilersuinnerminik tamaakkiisumik ilaannakortumilluunniit unitsitsigallarsinnaasoq. Akilersuisussaatitaasoq Nunatsinni najuagaqanngippat toqqaannartumik akilersuisussaatitaasup kommunimut najugarivitaanut qinnuteqaat nassiunneqassaaq. Akilersuutininik akiliisitsiniartartup akilersuisussaq akilersuiunnaartikkallarpagu tamanna kinguartitsigallarnertut isigineqassanngilaq.

Imm. 2. Meeqqanut akilersuutit siumoortumik tunniunneqarsimasut akilernissaasa kinguartinneqarnissaat akuerineqarsinnaavoq akilersuutininik pisinnaatitaasup kommuni najugarivitaani isumaqarpat akilersuisussaatitaasoq meeqqalluunniit akilersuisussaatitaasup pilersussallugit pisussaaffigisai akilersuutit tunniunneqarsimasut akilernerisigut inuuniarnikkut atugarissaarpallaaratilluunniit inuussutissaqanngitsut.

Imm. 3. Akiliinissap kinguartinneqarnera pillugu akiliinissamillu kinguartitsiniarluni qinnuteqaatit suliarineqartarneri pillugit malittarisassat erseqqinnerusut Naalakkersuisut aalajangersassavaat.

§ 21. Akilersuisussaatitaasoq akilersuutit tunniunneqarsimasut akilernissaannut tamakkiisumik ilaannakortumilluunniit kinguartitsinissamut akuerineqarsimappat, akilersuisussaatitaasullu kommunimi najugarivitaani kommunalbestyrelsi pissutsinik akilersuisussaatitaasup akiliisinnaassuseqarnerata allatut naliliivigineqarnissaanik tunngavissiisunik paasisaqaruni tamanna akiliutinik pisinnaatitaasup kommunitut najugarivitaanut piaartumik nalunaarutigissavaa.

Imm. 2. Akilersuisussaatitaasup kommunimi najugarivitaani kommunalbestyrelsi akiliinissamut tamakkiisumik ilaannakortumilluunniit akuersissuteqarsimappat akilersuisussaatitaasup akiliisinnaassuseqarnera ikinnerpaamik ukiumut ataasiarluni naliliivigineqartassaaq.

Imm. 3. Akiliutinik pisinnaatitaasup kommunimi najugarivitaani kommunalbestyrelsi akilersuisussaatitaasup akiliisinnaassuseqarnerata allatut naliliivigineqarsinnaaneranut tunngaviusinnaasunik paasisaqarpat suliaasaq piaartumik naliliivigineqassaaq.

§ 22. Kommunimut akilersuutinillu pisinnaatitaasumut akiligassaalersimasut ilaannaat akilersinniarneqarpata akilerneqarpataluunniit akiligassanngorsimasunit tamakkiisunit siumoortumik tunniunneqarsimanngitsut siulliullugit kommunip akiliutinik pisinnaatitaasumut tunniutissavai. Taakku tunniunneqarnerisa kingorna sinneruttuusinnaasut kommunip pisassaanut matusissutigineqassapput.

Kapitali 8

Meeqqanut akilersuutinik siumoortumik tunniunneqarsimasunik isumakkeerinnittarneq

§ 23. Akilersuisussaatitaasoq akiitsoqalersimasoq pensionisiaqartinneqalerpat akilersuutitut akiitsunngorsimasinnaasut pensionisiaqalerneq sioqqullugu akiitsorineqalersimasut isumakkeerneqarsinnaapput akilersuutinik pisinnaatitaasup kommunimi najugarivitaani kommunalbestyrelsi isumaqarpat pensionisiaqartup akiitsuni siunissaq ungasippallaanngitsoq eqqarsaatigalugu naafferarlugit akilersinnaanngikkai.

Imm. 2. Kommunip pensionisiaqartup najugarivitaata pensionisiaqartoq isumakkeerfigineqarnissaminik qinnuteqaateqarnerani ikiussavaa.

§ 24. Akilersuisussaatitaasoq akiliingikkallarnissaminut akuerineqaqqippat, siusinnerusukkullu ukiunit malittuinnarnit marlunnit sivilunerusumik tamakkiisumik ilaannakortumilluunniit akilersuutitut akiitsuulersunik akiliinngikkallarnissaq akuersissutigineqarsimappat akuersissuteqarnermut peqatigitillugu akiliutinik pisinnaatitaasup kommunimi najugarivitaani kommunalbestyrelsip akilersuutitut akiitsuulersimasut akuersineq ukiunik marlunnik sioqqullugu pilersimasut isumakkiissavai.

Imm. 2. Naafferartumik akilersuinissamik aaqqineq, akilersuinermik unitsitsigallarneq assigisaalluunniit tamakkiisumik ilaannakortumilluunniit akiliinngikkallarnissamut akuersissummut naligitillugit sanilliunneqarsinnaanngillat.

Kapitali 9

Nalunaarutegartussaaneg. utertitsisussaatitaaneq pinegaatissiisarnerlu pilluqit aalalanqersakkat

§ 25. Peqqussut manna tunngavigalugu akilersuutinik siumoortumik tapiissutitulluunniit tunniunneqartartunik qinnuteqartup pissutsit suulluunniit tunniussinermut sunniuteqarsinnaasut nalunaarutigisussaavai.

Imm. 2. Peqqussut manna tunngavigalugu tunniunneqartartunik tamanik pisartut kikkulluunniit pisussaapput pissutsini nammineq meeqqalluunniit atugaani allannguutit tunniuttakkat ikilineqarnerinik tunniunneqartarunnaarnerinilluunniit kinguneqarsinnaasut tamaasa isumaginninnermi ataatsimiititamut nalunaarutigissallugit.

§ 26. § 25 tunngavigalugu nalunaartussaataitanermik sumiginnaasimasut, imaluunniit ilisimasaqaraluarlutik nalunaaruteqanngitsoornermikkut peqqussut manna tunngavigalugu tunniunneqartartunik pisimasut aningaasat pisassarinnikkaluarlugit tigusimasatik ingerlaannaq utertillugit akilissavaat.

Imm. 2. Inuk meeqqanut akilersuutinik siumoortumik pisortanit pisimaguni, naak akilersuutit akilersuisussaataitaasumit akilerneqareersimagaluartut, imaluunniit akilersuisussaatsineq meeqqat inatsisitigut illersugaanerit pillugu inatsit tunngavigalugu allanngortinneqarsimappat atorunnaarsinneqarsimalluniluunniit, taava pinerluttulerinnermi inatsit tunngavigalugu pillammik akiliisussanngortitsisoqarsinnaavoq.

§ 27. Kinaluunniit peqqussutip matuma atortinneqarnerani taamatut suliassaqaqtitaaneq naalakkersuinnermi qinigaanikkut pisimagaluarpalluunniit pinerluttulerinnermi inatsimmi naalakkersuinnermik atassuteqartunut atorfeqarnermi suliassaqaqtitaanermiluunniit pinerluttuliornerit pillugit aalajangersakkat malillugit akisussaavoq.

Kapitali 10

Aningaasalersuineq

§ 28. Kapitali 3 aamma kapitali 6 tunngavigalugit aningaasartuutit landskarsip aningaasartuutigissavai.

Imm. 2. Peqqussut manna tunngavigalugu aningaasartuutit allat kommunip tunniussisuusup aningaasartuutigissavai.

Kapitali 11

Naammaqittaalliuuteqarsinnaaneq

§ 29. Inatsisartut peqqussutaanni matumani kapitalit 1-6 tunngavigalugit aalajangikkat isumaginninnermut tunngasut siulersorneqarnerat aaqqissuunneqarnerallu pillugit inatsisartut peqqussutaanni tamanna pillugu malittarisassat nalinnginnaasut malillugit naammagittaalliuutigineqarsinnaapput.

Kapitali 12

Atortuulersitsineq ikaarsaariarnerlu pillugit malittarisassat

§ 30. Peqqussut manna atortuulersinneqarpoq ulloq 1. juni 1994 aallarnerfigalugu, akilersuutillu ulloq taanna sioqqullugu akilerneqartussanngorsimasut aamma atortuulersitsinermi ilaatinneqarlutik.
Imm. 2. Tamatumunnga peqatigitillugu Meeqqanut akilersuutit il.il. pillugit Inatsisartut peqqussutaat nr. 9, 28. oktober 1982-imeersoq kingusinnerusukkut allannguuteqartinneqartarsimasoq atorunnaarsinneqarpoq.

Namminersornerullutik Oqartussat, ulloq 3. marts 1994

Lars Emil Johansen

/

Henriette Rasmussen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut